

هتافات وشعارات التغيير في ثورة التحرير

بقلم الكاتب
عنتر عشري كامل



بطاقة فهرسة

حقوق الطبع محفوظة

مكتبة جزيرة الورد
اسم الكتاب : هتافات وشعارات التغيير في ثورة
التحرير
المؤلف : عنتر عشري كامل
رقم الإيداع :

الطبعة الأولى ٢٠١١



مكتبة جزيرة الورد

القاهرة : ٤ ميدان حليم خلف بنك فيصل
ش ٢٦ يوليو من ميدان الأوبرا ت : ٠١٠٠٠٠٤٠٤٦ - ٢٧٨٧٧٥٢٤

Tokoboko_5@yahoo.com

المقدمة

إلى شهداء الثورة:

يا شبابنا لا تبالوا بإذاعتنا ولا تسمعونا إننا آباءكم فلا تشبهونا أننا
أصنامكم فلا تعبدونا ، نتعاطي القمع السياسي ونبني مقابرنا وسجوننا ،
حررونا من عقدة الخوف فينا واطردوا من رؤوسنا الأفيونا ، ما أروعك يا
(نزار) وأنت تشدو هذه الكلمات منذ عشرات السنين وكأنها نبوءة كان
لابد لها أن تتحقق وهما هي تحققت علي أرض النيل ومن قبلها تونس
الخضراء وما زالت القافلة تسير .

أما أنتم فيا فلذات الأكباد وياقرة العيون .

هنيئاً لكم الشهادة:

وتحية إعزاز وتقدير لكل الذين سقطوا شهداء البطش والقمع فلن
ننساكم ولن تنساكم مصر- فلقد ارتوت شجرة الحرية بدماءكم الزكية
الطاهرة التي أراها في حواصل طير أخضر- تسرح في الجنة وتبيت تحت
عرش الرحمن .

هنيئاً لكم تاج الوقار وهو تاج الشهداء وهنيئاً لأهلكم ولذويكم اليوم
وغداً عندما تشفعون لسبعين منهم فما أعظم الشهادة وما أعظم الشهداء .

المؤلف

هتافات ثورة ٢٥ يناير

يا مبارك بسرعة تنحى عاوز استحمى لخمس أيام في ميدان
التحرير

ياريس ارحل بقي إيدي بتوجعني من طول مسك الالافته
يا حكومة هشك بشك بكرة الشعب ينط بكرشك
يا حكومة هز الوسط كيلو اللحمة بقى بالقسط
هو مبارك عايز إيه ، عايز الشعب يبوس رجله
شيلوا مبارك وخطوا خروف يمكن يحكم بالمعروف
يا سوزان خافي عليه حنجهولك من رجله
ارحل يعنى امشى يمكن ميفهمشى
يا سوزان قولي للبيه... ربع قرن كفاية عليه
يا سوزان قولي للبيه... كيلو العدس بعشرة جنيه
يا جمال قل لبوك... شعب مصر بيكرهوك
هو مبارك عايز ايه... عايز الشعب يبوس رجله
قول يا زين قول لمبارك.. السعودية في انتظارك
بكرة نقول كان قهر وعدى.. لما مبارك يرحل جده
شيلوا مبارك وخطوا خروف... يمكن يحكم بالمعروف
قول يا محمد قول يا يونس.. بكره مصر تحصل تونس
السعودية مش بعيد.... بتلم الخونة والعبيد

يا مبارك يا مبارك السعودية في انتظارك
هو مبارك عايز ايه عايز الشعب ييوس رجليه ، لا يا مبارك مش
حنبوس بكره الشعب عليك حيدوس
إرحل يعني إمشي يمكن ما يفهمشي
قول يا مبارك يا مفلسنا إنت بتعمل إيه بفلوسنا
ياللي فاضلك ٦ شهور خد أجرتهم يالا وغور
يا جمال قول لأبوك كل الشعب بيكرهوك
يا علاء خليك خليك أوعى بكرة جمال يعديك
يا جمال قول لبابا يلا نخلع م العصاة
ليه ليه كيلو العدس بعشرة جنية
ارفع ارفع في الأسعار بكره الدنيا تولع نار
الإصلاح بقي شيء مطلوب قبل الشعب ما يأكل طوب
يا وزراء طفوا التكييف مش لاقين حق الرغيف
ارحل ارحل يا حبيب ارحل يا وزير التعذيب
يا عز يا خارها غور يلا وسيبها
ما تبكيش يا أم الشهيد. دم ابنك فجر جديد
يا مبارك فينك فينك..... دم الشهدا بينا وبينك
يا حرية فينك فينك.. حسني مبارك بينا وبينك

باسم عشره مليون عاطل..... حكم مبارك باطل باطل
كيلو اللحمه ب ١٠٠ جنيه.. وأرض مدينتي ب ٥٠ قرش
مش هانخاف مش هانطاطى احنا كرهنا الصوت الواطى
مش هانخاف من أبوك يا جمال... صوتنا العالى يهد جبال
يا حرية فينك فينك أمن الدولة بينا وبينك
الى خايف خايف ليه ... هوة فاضل لينا إيه
على وعلى وعلى الصوت واللى هاهتف مش هاهموت
باطل... مجلس الشعب... باطل... جمال
مبارك... باطل... الحزب الواطى... باطل... حبيب
العادى... باطل... أحمد عز... باطل
أمن الدولة يا أمن الدولة.... فين الأمن وفين الدولة
حسنى بيه يا حسنى بيه كيلوا العدس ب ١٠ جنيه
آه يا حكومة هز الوسط أكلتونا العيش بالقسط
آه يا حكومة هز الوسط كيلوا اللحمه بقى بالقسط
ياكلوا لحمه وياكلوا فراخ... واحنا الفول دوخنا وداخ
واحد اتنين الشعب المصرى فين
يا أهلينا يا أهلينا يا أهلينا ضموا علينا
يا جمال قول لأبوك شعب مصر بيكرهوك

اعتصام اعتصام... حتى يسقط النظام
يسقط يسقط حسنى مبارك
ارحل بقى ياعم خلى عندك دم
استقيل استقيل... واحنا نحرس أرض النيل
يا مبارك يا جبان يا عميل الأمريكان
حرية حرية
كرامة حرية عدالة اجتماعية
يا مبارك يا مبارك الطيارة فى انتظارك
ارحل ارحل
يا سوزان قولى للبيه بعت مصر بكام جنيه
يا سوزان قولى للحمار بعت مصر بكام دولار
يا سوزان خافى عليه ها نجيهولك من رجليه
يا مبارك صح النوم النهارده آخر يوم
الشعب والجيش ها يغير الرئيس
شالوم لن يحكمنا بعد اليوم
قام المارد امشى يا بارد
طب نفهمك ازاي زهقتنا
آخر فرصة اختار قوام إما رحيل أو إعدام

مبارك عفوا لقد نفذ رصيدكم
الشعب + الجيش = مصر
لن نضيع دم الشهداء
لا تعديل لا تغيير نحن نطالب بالرحيل
حان الآن موعد التنحي حسب التوقيت المحلى لمدينة
الإسكندرية

ارحل ارحل يا ثقييل يا حبيب إسرائيل
يا حمام طير طير قتلوا اخواتنا في التحرير
لبسوا اللبس الملكي ونزلوا وقتلوا وضربوا وقتلوا
ثورتنا ثورة شباب ثورتنا ثورة شعبية
حاسبوا عليه حاسبوا عليه اسرائيل تبكى عليه
أطرش وما بتسمعش قلنا ماشى .. لكن كمان غبى وما بتفهمش
أولاد مصر في الزنازين وانت يا شعب صبرت كثير
ارحل ارحل زى فاروق شعبنا منك بقى مخنوق
اصحى يا مصرى وشد الحيل في السكة جاي التغيير
ارفع كل رايات النصر إحنا شباب هانحرر مصر
شدوا حيلكم يا شباب ضد حكومة الإرهاب
مش عايزينك مش عايزينك ... دم الشهداء بينا وبينك

يا سوزان قولى للبيه لو كان اطرش سمعيه
بسم كل الفنانين حكمك زفت وزى الطين
الجيش والشعب إيد واحدة
يا للعار وياللعار حسنى بيضرب شعبه بنار
مش هانمشى هو اللى يمشى
ارحل ارحل يالا وغور.... خلى مصر تشوف النور
مش عاوزينه حاكم.....عايزينه يتحاكم
حسنى بيه حسنى بيه الرغيف بنص جنيه
ارحل ياغنى امشى هو مايفهمش
كلموه بالعبرى مايفهمش عربى
حسنى بيه يا حسننى بيه الشعب المصرى ذنبه إيه
يا طيار يا طيار...من أين لك سبعين مليار
سليمان لأه وحسنى فاضله زقه
آدى الكلمة جابت مليون....والمليون هايدوسوا فرعون
يا أهلىنا يا أهلىنا...لو سكتنا يدوسوا علينا
على على على الصوت.....واللى هايتف مش هايموت
مش راجعين مش راجعين.....إلا واحنا منتصرين

مش ساكتين مش ساكتين عن قتل ولادنا.....مش
ساكتين..... عن دم ولادنا.....مش ساكتين
آه..... آه.....يا بلادنا ياوسية...سرقوكى الحرامية
توت توت توت....حرية واللا موت
مش هانخاف من أبوك يا جمال...صوتنا العالى يهد جبال
أمن الدولة يا أمن الدولة....فين الأمن وفين الدولة
يا أهلينا يا أهلينا يا أهلينا ضموا علينا
ارحل ارحل يا خسيس ارحل بقى خليك حسيس
يا سوزان قولى لابنك...مصر هتبقى سجنه وسجنك
ثورة ثورة يا شباب على الأوضاع الهباب
بطل تمشي جنب الحيط...اصل سكوتك مش هيفيد
الإضراب مشروع مشروع...ضد الفقر وضد الجوع
لو دلوقتي قفلتوا عيونكم...الضحية الجاية عيالكم
يا أهالينا لموا علينا...إحنا إخوانكوا إحنا ولادكو..واحنا بنعمل
كده عشانكوا
سامعين صوت الشعب الثاير...بيقول بس كفاية مذلة...نفس
الصوت اللي ف أسوان...بيقول شدي الحيل يا محلة
ارفعوا كل الرايات...شعبنا بيصرخ آهات

لن يكفيننا شرف المحاولة...إحنا شباب بنواجه دولة
يا أبو دبوره ونسر وكاب...إنت اللي خلقت الإرهاب
هو مبارك عايز إيه...كل الشعب ييوس رجله؟ لا يا مبارك مش
هنبوس...بكرة الشعب عليك هيدوس
ثورة ثورة حتى النصر...ثورة فى كل حته فى مصر
يا مبارك افتح بابك انت محمي وسط كلابك
ولا عدلي ولا حبيب...ارحلوا يا كلاب التعذيب
اضرربونا فى الشوارع صوتنا برده طالع طالع
لا لمبارك أب وابن...لا للعجلة والاستين
عسكر عسكر عسكر ليه إحنا فى سجن واللا إيه
يا حكومة هشك بشك بكرة الشعب ينط فى كرشك
يا دي الذل يا دي العار مصري بيضرب مصري بنار
شالوا نظيف جابوا سليمان الحزب الوطني كله جبان
كل ينزل من البيوت حتي يرحل فى التابوت
صحي الخلق وهز الكون.. مصر بلدنا مش هتهون
بالطول بالعرض هنجيب النظام الحاكم الأرض
اصحوا وفوقوا يا مصريين.. مش هنقول للظلم آمين
أحلف بسماها وبتراها الحزب الوطنى اللي خربها
تونس تونس شرفتنا للكرامة ورجعتينا

يا علاء قول لبابا أنت بتسرق ف الغلابه
يا جمال يا أبو فريده أبوك خلانا ع الحديده
يا مبارك قول لابنك لما تشوف حلمة ودنك
الي بيضرب أهله وناسه يبقي عميل من ساسه لراسه
حاصروا العدو متحصرونناش يالي بعتوا بلدنا بلاش
• لما شعب تونس قام .. هرب اللص والمدام
• حد أدنى للأجور .. قبل الشعب ما كله يثور
• حقى ألاقي شغل وأعيش .. والملايم ما بتكفيش
• يالا يا مصري صحي الروح .. الحرية باب مفتوح
• يللا يا شعب عدّي الخوف .. خلي الدنيا تصحى تشوف
• شعب حضارة ومجد سنين .. مش هيطاطي ليوم الدين
يا مشير يا مشير .. إحنا ولادك فى التحرير
هما بياكلوا حمام ويط ... وكل الشعب جاء له الضغط
ع القصر رايحين شهداء بالملايين
مش حنمشي ... هوا يمشي
مصر يا أم ولادك أهم ... دول علشانك شالو أهم
روح يعني امشي يالي مابتفهمشي

قول يا مبارك يا مفلسنا إنت بتعمل إيه بفلسنا
الجيش فوق الراس... والنظام تحت المداس
مش هنسيك ... مش هنسيك... ولا هنسيب العادلى حبيك.
مسلم... مسيحي... كلنا مصريين.
قولها لوا عبرى... مبيفهمش عربى.
ثورة ثورة حتى النصر... ثورة ف كل شوارع مصر.
الى يحب مصر ... ميخربش مصر.
لا تراجع ولا استسلام للمبارك ولا لسلطان
يوم الجمعة العصر هنجيبك من القصر
بكرا نقول كان قهر وعدى.. لما مبارك يرحل جده
ثورة ثورة يا مصريين على حزب المجرمين.
يا أبو دبورة ونسر وكاب.. إحنا إخوانك مش إرهاب
بالطول بالعرض هنجيب النظام الحاكم الأرض
يا صاحب الضربة الجوية فى عهدك كتروا الحرامية
دلخوا يا دلخوا مبارك شعبه خلخوا
سو يا سو مبارك خلخوا
عايزين حكومة حرة العيشة بقت مرة و عايزين حكومة جديدة
بقينا على الحديدية

لا شفيق ولا سليمان الكلام ده كان زمان.. وعازي حقي النظام
سرقني

ارفع صوتك زي الناس إحنا كرهنا الظلم خلاص
يعني إيه كولا زيرو.....

يعني* مصر تعمل مظاهرات.... والجزائر هي اللي تلغي قانون
الطوارئ.....

يعني* العساكر والضباط تاخذ أجازه نص السنة واحنا نوقف
طول الليل نحمل البيت....

يعني* إحنا نعمل ثوره والمساجين هما اللي يتحررو.....

يعني* تبقى واقف في اللجنة الشعبية في عز الليل بتحشش
ومعاك سلاح ويجي البوكس تفتشه وتقول لرئيس المباحث بطاقتك
ياااانجم

حزاميه في لندن ، لا تراجع ولا استسلام « القبضه الداميه » ،
إسماعيل يس في الثورة ، سمير وشهير وبهير في التحرير ،

بلطجية من جهة أمنية ، شعب فوق صفيح ساخن ، إحنا بتوع
التحرير ، سكوت هنحرر ، هي ثوره؟ ، نحن لا نصنع الملو توف .
ارحل الثورة تطلع حلوه ، ثوره هزت عرش مصر ، ثور إنت

أمثلة وأغاني

حاميه حراميه
ماتورثيني يا ماما حاضر يا جيمي
جبتك يا حسني تحكم وباك اليوم تتحكم
الليلة يا حسنى
مصر بتقول مبارك كرهاك وأتمني لو أنساك وأنسى أيامي معاك
مصر تقول للشباب بحلم بيك أنا بحلم بيك وعمري الجاي
منور بيك
خلعوه خلعوه الرجل الفاسد خلعوه
الشعب خلعوا يا جدعان
ابن المفترية ليه يفترى عليه الى عملها وسيه أبو طلعه جويه
ياشعب اخلع يا شعب طل والى ما ينفع صباحه ذل
بيقولو ثوري يقولولى ثوري ثوري يا مصر ثوري
أنا أهوه أنا أهوه أنا أهوه في أسبوعين خلعوه آه يا أنا يا أمه وآه يا
با دا عليه حاكمه ونصابه
بيب بيب يا حبيب ضربوك بالقباقيب

بيني وبينك خطوه ونص لو مش هتخلع راح تنقص

ابعد عنا يالى واكلنا

بص وبص وبص وبص إمسك حاكم إمسك لص

دار يا دار يا دار راحوافين ناهيين الدار فين فين غاز

اخبار أهرام جمهورية انتو معايا واللا عليه

يا عادلى يا غدار تضرب شعبك ليه بالنار

يا شهيد انعم بالنور والضلمه لحكومة الزور

يا شهيد ماشيين على نورك واحنا وراك هنكمل دورك

يالى قتلوا الشباب بكره هتدفعوا الحساب

مصر بلدي ياست الكل بكره هتبقى زى الفل

مصر بلدنا يا ست الكل من النهارده رفضنا الذل

ارفع رأسك فوق أنت مصري

مصر قالتها بصوت مسموع كفاية ذل كفاية خنوع

لا توريث لا تعديل مطلبنا هو الرحيل

يا عادلى يا جبان بكره نشوفك في الليمان

مصر قالتها بصوت مسموع حسنى مبارك بقى مخلوع

جينا من بحري ومن أسوان حتى يسقط الطغيان

كلنا جينا يا مصر في حبك نطرد الى سرقنا وهدك
كرامه حرية عدالة إنسانية
مصر يا سفينة قوية غرقوكي الحرامية
أنا وزوجتي وادي ولادي كلنا جينا في حب بلادي
حسنى مبارك يا طيار تضرب شعبك ليه بالنار
كلنا في ميدان التحرير مطالبنا هو التغيير
يا جهاز هدم الدولة أمن المصري أولى وأولى
نجاح ثورتنا في وحدتنا ولا حد يهز ثقتنا
أنا مسلم وانت مسيحي انت أخويا وروحك روحي
الهلل ويا الصليب كل مصري لقلبي حبيب
الشعب قال نريد منكم دستور جديد
مصر بتدفع تمن الفتنة اوعه نحط بلدنا في محنة
إيدي في إيدك نبي نعمر ومش هنسيب مصر تدمر
نحمي مصر في كل مكان من الظلم ومن الطغيان
نحلف بدمك يا شهيد هنقول لأ للفتنة أكيد
امن الدولة قاعد ليه حسنى راجع واللا إيه
مصر طالبه المحاكمة للعصابة الى حاكمه

جامع وكنيسة تحيا مصر
محمد وعيسى تحيا مصر
لا إله إلا الله الشهيد حبيب الله
يا قناص يا قناص تضرب عزل بالرصاص
يا أهلينا يا أهلينا ليه الحزب يسرق فينا
الشعب يريد تفتيش الجهاز
انزل وارفع ايدك فوق ساقى الذل لا بد يدوق
بعد سنين ذل وحرمان باقى إيه تانى يا سوزان
صبرا صبرا يا مبارك المحاكمة في انتظارك
أنا مش ناس أنا مش ناس الى سرقنى ولغى احساس
يا أهالينا يا أهالينا لدم الشهدا حق علينا
لا مساومه ولا تدليس كارت أحمر للرئيس
كنت فين يا شفيق لما اتقتل الشهيد
مسلم مسيحي إيد واحدة تحيا مصر تحيا مصر
إحنا أحلى شباب العصر كلنا جينا في حب مصر
من أجل الوحدة الوطنية لازم تبقى أيديك في أيديا

مصر حبتي سلام في سلام مسلم قبطي كلام في كلام
قالوا لنا نحب وطننا والى يفرق ده مش منا
ياللا يا مسلم قول للقبطي هي مصبتك هي مصبتي
يا نظام ويا نظام الحرية للأوطان
وحدة وطنية ضد الظلمة البلطجية
مصر قالتها بصوت مسموع حسنى مبارك بقى مخلوع
إحنا قاعدين في الميدان حتى يسقط الطغيان
مصر يا حره يا آبيه سرقوكي الحرامية
يا حكومة هز يا وزا كلتينا لأحمد عز
حاكموا عز وحاكموا سرور ولسه الباقي عليه الدور
يا سوزان قول للبيه كيلو اللحمه بمية جنيه
التغيير التغيير مطلب شباب التحرير
مصر واقفة في الميدان حتى ينتصب الميزان
قولوا للحزب الديمقراطي مصر خلاص مش هتطايطي
يا حكومة كدا يكفاكى كل الشعب بيستعداكى
هما ياكلوا لحم غزال واحنا تعبنا وضاق الحال

أنا جمهودي بحبك موت جيت أقولها بعلو الصوت
جينا من بحري ومن أسوان حتى يسقط الطغيان
كلنا جينا يا مصر في حبك نطرد الى سرقنا وهذك
حاكموا حسنى وسرور علشان مصر تشوف النور
يا جمال يا أبو فريدة المساومة مش مفيدة
يا سوزان قولى للبيه متر مديتى بنص جنيه
حسنى مبارك يا طيار شعب مصر خلاص اختار
يا سوزان قولى لمبارك مين في الشعب المصري اختارك
يا حكومة الأغلبية أكلتونا للحرامية
مصر يا حرة سنين وسنين جبتي الصبر دا كله منين
مصر يا حرة بروحي فداكي كل شبابك لبي نداكي
مصر يا حرة بروحي أفديكي أنا سفير الجمهور فيكي
قولوا للعالم تعالوا شوفوا أولاد خفرع وأولاد خوفو
يا سوزان قولي لو كفاية شعب مصر مش ولايه
لا حوار لا حوار حتى ير حل الحمار
مصر قالتها بصوت مسموع كفايه ذل كفايه خنوع

قولوا بصوت عالٍ يا شباب حسنى هيطلع بالققباب
لا توريث لا تعديل مطلبنا هوا الرحيل
يا سوزان قولى لجمال أنت وأبوك عايشين فى خيال
شعب مصر يا جدعان طلع يطرد الشيطان
لا سلمان ولا شفيق يا حكومة التليف
يا شهيد نام وارتاح واحنا نكمل الكفاح
يا شهيد نام واتهنى واستنانا على باب الجنة
يا جامعة يا عربية الحرية مش رفاهية
مصر يا أهلىنا واقفة وبتبص علينا
اسمع منى وماتنساش الحرية مش ببلاش
مبروك مبروك يا ثوار نظام الظلم خلاص انهار
شوفوا العار وشوفوا الذل قالوا الحال دا زى الفل
ارفع راسك فوق المصري شهامه وذوق
قولوا لكل الشعب يا ناس الحرية لينا أساس
قبل يا ناس ما نموت م الجوع لازم مبارك يبات مخلوع
تلاتين سنة كمان وزيادة بيعودنا بالريادة

يا وزيرة الخدمات جبتي العار للمصريات
يا نظيف ويا نظيف مش لاقين حق الرغيف
إحنا أولاد البطة السوداء حسني مبارك ماله عودة
يا مبارك اطلع طوع شعبنا منك بقى مفقوع
يا جمال ويا جمال وجود أبوك أمر محال
يا رجال المعونة شعب مصر اداكو صابونة
الي يخون الشعب الحر لازم في يوم يدوق المر
يا مسؤول ويا مسؤول الفساد عمره ما يطول
كل شباب مصر يا سادة كله شباب فوف العادة
يا جامعة يا عربية فين الحق فين الحرية
كل شباب مصر قال كفاية فساد كفاية إذلال
تشهد كل بلاد الكون حسني مبارك بقى مجنون
الي يسرق شعبه يا ناس لازم ييجي في يوم ينداس
الي يعشق إسرائيل يبقى عار ويبقى عميل
كفاية لعب كفاية ألغاز إيه تاني بعد الغاز
يا مبارك صح النوم نقوله سلام واللا شالوم

يا مبارك مين ينسك كل مصر بتجري وراك
من ميدان التحرير كل مصر قالت تغيير
اسمع مني يا حبيب مضى زمن الخوف والترهيب
على الفرع في كل مكان حسني مبارك أصبح كان
كل الناس علينا بتقول أحلى شباب في العالم دول
يابن الخال ويابن العم حسني مبارك أصبح هم
يا جمال العب غيرها ناهيين مصر وناكرين خيرها
قالوا أعضاء لجنة سياسات وتركوا مصر الحرة فئات
يا أطباء ويا أطباء شباب مصر باع الأعضاء
ساحيننا يا فلسطين الحرية أمنة ودين
السجون مليانة أحرار اوعه تنسوا يا ثوار
لو في مصر صحيح حرية ليه محاكم عسكرية
مصر يا غالية ازاى يرضيكي قالوا زواج مصر كاثوليكي
كل شباب مصر ينادي الحرية ليكي يا بلادي
بعد ما فتحوا السجون قالوا علينا شباب مجنون
على طريقة التوانسه مصر هتطرد الأبالسة

يا حكومة المبيدات شعب مصر مش آفات
يا مبارك جالك يوم ليل الظلم ما عمره يدوم
يا إعلام مصر يا حر إيه في بلدنا بقى بيسر
يا إعلام مصر المنصورة تعالى هنا وشوف الصورة
يا سويس يا سويس إوعي تاكلي من التدليس
قالوا علينا شعب تحرش ويا ما قالوا كلام ما يسر ش
ياللي بتسرق بالمليار هتروح فين من الشوار
مصر بلدنا هتطلع فوق لما يرجع المسروق
ياللي سرقوا أموال أولادنا لازم يوم هتشوفوا حسابنا
قولوا معانا للنائب العام المسروق من مالنا كام
يا شباب مصر الحرة إوعه السارق يطلع بره
قالوا علينا شباب كنتاكي واحنا شباب لب نداكي
بعد الفقر وضيق اليد جانا يا مصر وقت الجد
كلها كام ساعة يارئيس وانت وابنك تبقوا فطيس
أنا مش ناسي أنا مش ناسي إنتي يا مصر أهلي وناسي
قالوا علينا شباب كنتاكي واحنا يا مصر ما يوم ننساكي

اللي يصبر ينول أصل المصري شرحه يطول
اللي يصبر يلاقي ثوروا وعلى الله الباقي
اللي حاربنا واللي سجننا يطلع بره ما يقعد بينا
اللي يخاف هنا ما يجيش المصري زيه مفيش
مرحب مرحب بالزوار مصر بلدنا خير وعمار
لا جماعات ولا أحزاب الثورة ثورة شباب
أمن الدولة يا سفاحين الشعب رمى عليكي يمين
أمن الدولة يا شاهد زور إمتى مصر تشوف النور
أمن الدولة في كل مكان لا أمن ليكي ولا عنوان
أمن الدولة اطلع برة مصر بلدنا أمست حرة
أمن الدولة يا جلادين دم الشهدا أمانة ودين
أمن الدولة في أسوان شفنا عذابكو أصناف وألوان
أمن الدولة في أسيوط كان علامته بضرب السوط
أمن الدولة في ديروط عذاب لا بد نهايته الموت
أمن الدولة فيكي يا منيا فيه عذاب وذل الدنيا
أمن الدولة في بني سويف له شكل وفعل مخيف

أمن الدولة في الفيوم لا بيصلي ولا بيصوم
أمن الدولة في البحيرة دم الشهدا منه بحيره
أمن الدولة في كامبشنزار جاب الذل جاب العار
أمن الدولة في دمياط كي بالنار وضرب سياط
أمن الدولة في المنصورة ياما نفوس طلعت مكسورة
أمن الدولة في الغربية عايش على تلفيق وأذيه
أمن الدولة كفاية أذيه مصر بلدنا حره أبيه
يا شباب ثور ثور لما يغيروا الدستور
الحرية واقفة وطله من التحرير والمحلة
يا بلدنا يا عزيزة الحرية مالها فيزه
مصر يا أمي صبرتي كثير لما جالك التغيير
كل الشعب المصري مل والتغيير هو الحل
مش هنمش من المكان لما ير حل الجبان
قولوا معايا قولوا يا سادة حسني حرامي فوق العادة
يا قضاه ويا قضاه اعدمو كل الطغاه
القصاص القصاص للي ضرب الرصاص

يا باغي يا غشاش تضرب عزل بالرشاش
لو ضربتوا بالسيوف كل شبابنا ما يعرف خوف
مش هنتخاف من الزنازين مصر في سجن بقالها سنين
يا دكتور ويا دكتور إشهد على الديكتاتور
يا شهيد ويا مكسور بكره بلدنا تشوف النور
أنا جمهوري وأغا كمان وصوتي عالي في كل مكان
أنا جمهوري عاشق الحرية وصرختي فوق عالية مدويه
أنا جمهوري مسلم ومسيحي ومصر بلدنا وروحك روحي
يا جمهود ويا جمهود حسني مبارك مش هيعود
يا جمهود صباح الفل ألف سلام ومساع الكل
يا جمهود يا غالية عليا قولوا لمبارك يكفي أذيه
ثورة ثورة يا جمهود ثورة تكسر القيود
بعد الثورة عمل وكفاح بيد العامل والفلاح
مصر يا بلدي بروحي أفديكي أنا سفير الجمهود فيكي
من قلب ميدان التحرير الجمهودي طول عمره كبير
عشري أبو كامل رحمه ونور شايفك في الميدان بتشور

عشري أبو كامل يا إنسان علمتنا الثورة زمان
أمن الدولة بظلمه وحاله قام عليه الشعب أزاله
بعد تكسير الأبواب أمن الدولة جاله حساب
بعد سنين عذاب في أهلينا ربك عادل ورحيم بينا
بعد الذل وبعد الكي قامت ثورة ما لها زي
شوفي وردك يا بلدنا فتح على أغصان أولادنا
مصر يا هبة النيل باقي ساعة عالرحيل
مصر تعالي شوفي ولادك واقفين بيغنوا على بابك
جيننا يا مصر عشان نرضيكي ولا في الكون شيء يغلى عليك
ليل ونهار بنهتف مصر لحد ما ييجي يوم النصر
يا بلدنا شدي الحيل أول خطوة بداية الميل
أجمل صورة ليكي يا مصر لما ير حل ساكن القصر
أجمل صورة من الميدان لما ير حل الجبان
يا إعلامنا يا كذاب ليه تفتري على الشباب
يا إعلامنا يا مغرور ليه تقبل بشهادة الزور
يا إعلامنا فينك فينك أمن الدولة بينا وبينك

يا إعلامنا كدا يكفيك كل العالم عينه عليك
يا سادة يا مسؤولين واخدين مصر ورايحين فين
لو كان عنده واحد في الميه يقدم لنا ذمة مالية
لو كان مسؤول أو حساس يستجيب لصوت الناس
لو كان يعرف ربنا فينا يبعد عنا وكدا يكفيننا
صوت الحاج فتحي هاشم قال لأ للصوت الغاشم
اسمع صوت جزيرة الورد الي يظلم ياخذ طرد
جزيرة الورد يا أحسن دار مصر بلدنا بيكي عمار
جزيرة الورد كان لها دور علشان عجلة مصر تدور
جزيرة الورد يا شباب هي بستان الكتاب
يا جزيرة الورد تحياقي الثورة علامة في حياتي
جزيرة الورد قالت في بيان صوت الثورة في كل مكان
جزيرة الورد بالمصري صوت الحق عليها حصري
جزيرة الورد في الميدان وادي كتبها في كل مكان
جزيرة الورد لها علامة علشان قالت الكلمة أمانة
جزيرة الورد في مصر وبره لعشاق الكلمة الحرة

من أهدافها كلمة مفيدة جزيرة الورد علامة أكيدة
جزيرة الورد بدون تزييف قالت الحق بدون تحريف
جزيرة الورد بكل إحساس فتحت بابها لكل الناس
جزيرة الورد أساس ومسار فتحت بابها للشوار
يا عمال المحلة مصر بلدنا واقفة وطله
يا عمال كفر الزيات لازم يرجع الي فات
يا عمال ويا عمال لو قعدنا هيقف الحال
يا عمال مصر أمانة وجوه قلوبنا في أعلى مكانة
بعد الثورة عمل وجهاد لينا بيوت ولينا ولاد
بعد رحيل الدكتاتور لازم العجلة تعود وتدور
مصر بلدنا في حاجة لينا ولها دين وحق علينا
شايف مصر وفيها الفرح وع الأشجار الخير والطرح
في حب مصر بقينا أخوات لا ألقاب ولا عائلات
في حب مصر هنا اتجمعنا علشان كل الكون يسمعنا
كل فئات الشعب اتلموا والكل اتوضا ووقفوا يصلوا
في حب مصر هنا اتجمعنا في أجمل صورة وأمل ومعنى

ربك هو القوي العاطي خالي صوت الباطل واطي
ربك نصره نصره مبین هو ناصر المصريين
ربك واحد هو القادر هو هازم الباغي الغادر
أمن الدولة مالك حل غير الذل وغير الحل
ألف الدولة فيكي يملا ألف كتاب وكتاب
أمن الدولة يا جلادين ليه عذبتوا المصريين
تعالی لشبابنا وشوف كسرنا حاجز الخوف
يا صاحب الطلعة الجوية كفاية ذل وأذیه
يا سوزان قولي لجمال بختك خاب وحظك مال
يا شهيد ويا مجروح دمك حق ومش هيروح
ضربونا بالمطاطي علشان صوتنا بقى مش واطي
يا بلدنا يا حزينة حسني إیده مش أمينة
اللي هنا مات م الحرقه وباقي شبابك بيموت غرقى
حسني مبارك جي ندمان وقال النايب بقى سليمان
جمال يا عاطل جواز مصر باطل
حسني مبارك يا كتكوت خلعه تفوت ولا حد يموت

كل الشعب المصري قال لا مبارك ولا جمال
كل أولاد الجمهور قالوا حسني مبارك مقلوب حاله
يا أولاد الجمهور مبارك دخل في طريق مسدود
مصر بلدنا يا رجال بكره هتبقى في أحسن حال
اهتف معايا وقول ع الي باع الأصول
الأرض دي أرضي وشدة وتعدي
لسان الحال بيقول الوضع مش مقبول
بيطلب الحوار ويبضرب فينا بالنار
عاشين بطالة وبقينا في أسوأ حاله
أبو أول طلعة جوية فجر فينا الثورية
أنا هنا أنا وعيالي ما أقدرش أقول وأنا مالي
من قلب ميدان التحرير عالي صوتك بالتغيير
تعالى على الميدان ولا تخشى الجرذان
تعالى شوف بلدنا وشوف ثورة شبابنا
ارفع صوتك ونادي لكي حبي يا بلادي
أخوات في الميدان الدين للرحمن

تعالى شارك الثوار وبلاش من الانتظار
يا مصر طالب رضاكي وروح الكل فداكي
تعالى يا بن العم مصر بلدنا أهم
بالحرية لا بد نعيش وكفاية ذل وكفاية تهميش
كل العالم قال المصري مال له مثال
معقول يا ناس معقول لسه العذاب هيطول
ألفين آه وآه سرقونا يا ولداه
بلاش نقف نتفرج وإن جيت بلاش تهرج
خلي صوتك عالي مصر نفديها بالغالي
من اليوم ما فينا سكوت غاب الأمن وضاع القوت
قول معايا في كل مكان يكفي ذل ويكفي هوان
صوت شارع قال الي بيحصل محال
الله أكبر سمي حب الشهادة في دمي
مصر بتنادي فيكم ولا أنادي غير عليكم
تعالى وعلي الصوت قبل ما الوقت يفوت
يا دم كل برئ نور لنا الطريق

العالم كله شاف المصري ما عمره يخاف
صرخه في وسط الضيق عايزك معايا رفيق
شدي حيلك شدي هتدوسي وتعدي
هات إيدك في إيدي بكره عيدك وعيدي
واحد شارع التغيير من ميدان التحرير
تعالى نقولها في كل زمان يسقط يسقط الطغيان
ليل ونهار بنقول الظلم ما عمره يطول
الحرية واقفة وطلة شدي حيلك يا محلة
مصر يا أمي يا أحلى هدية جيت أرد حق عليا
اكتب كلمة على شعار يسقط يسقط الغدار
عيشوا على الشعارات وكل الي في مصر فتات
تعالى معانا نغير الظلم عمره قصير
لما طالبنا بالتغيير قالوا علينا شباب فرافير
جيتك يا ولدي أقول عنك أنا مسئول
فكيك أنا قيدي وهتعودي في إيدي
طوفان الثورة قام والظلم ماله مكان

بلغ عني وقول الي يثور ينول
فجر الحرية قريب والظلم ليله ييغب
الله الله شباينا يا محلاه
شدي حيلك شدي بكرة الصباح وردي
بكرة مصر تكون أجمل بلاد الكون
زلزال مصر قام هيحقق لنا الأحلام
أحمد يا إيهاب شهيد من غير حساب
سالي يا زهران يا شهيدة الأوطان
بسيوني يا شهيد الجنة مش بعيد
حسين يا طه الجنة ما أحلاها
شهيد يا سيف الله ولا عمره يوم تنساه
محمد عبد المنعم عند الله راح تنعم
الشهيد غالي علينا وغير القصاص ما يرضينا
سمي يا وزير سوزي ونها ولا سهير
بكرة وزير الداخلية في المحاكم العسكرية
يا سليمان ويا سليمان إسرائيل ما لها آمان

باع الأرض والشركات وعيش مصر على الإعانات
يا شباب مصر الحرة قولوا المبارك اطلع بره
مصر يا بلد الأحرار كل شبابك من الثوار
مصر يا غالية يا بلد النيل احنا ولادك جيل ورا جيل
بص في إيدك شوف الساعة مبارك خلي بلدنا مجاعة
ولا رصاص ولا ألغام مش راح نمشي من الميدان
ياما سجنوا وياما اغتالوا وياما على شبابنا قالوا
بكره الفجر وبكره النور وبكره هيجي علينا الدور
كل شبابنا شباب مش عادي ثائر ثائر فيكي يا بلادي
نصبوا الخيمة وناموا الأرض وهتفوا وجابوا مبارك الأرض
يا شباب شدوا الحيل أصل الخطوة بداية ميل
كل مسا وكل صباح تفدي مصر بالأرواح
قرب قرب قرب شوف حسني مبارك بقى مكسوف
يا أهلينا يا أهلينا غير الحرية ما يرضينا
قالوا علينا شباب كنتاكي وكل أملنا يا مصر رضاكي
صوت عالي بيقول تمالي مصر يا غالية قومي وصلي

إوعه تنام إوعه تنام حتى ير حل النظام
يا إعلام مصر الحرية قول الحق في عمرك مرة
يا شباب الفيس بوك انتو للحرية ملوك
يا شباب شدوا الهمة باقي خطوة على القمة
لا تسويف لا تسويف طالين رحيل مش تكليف
قولوا معانا يا شباب الحرية مش إرهاب
مش راح تسمع وإيه يعني كل العام راح يسمعي
قالوا بنقبض بالدولار ورفضوا يقولوا شباب أحرار
إعلام سلطة صحيح كداب وكل إعلامهم نبج كلاب
قالوا علينا شباب مهندس لكن العالم شافنا وحس
الي يخون في يوم أولاده جي له يوم يترد حسابه
الي يخون الأرض الحرية راح يتحاسب مليون مره
بعد سنين غرام وحب جاب للشعب ضغط وقلب
كفاية كذب وخداع إيه باقي مش متباع
حكومة الكذب حكومة الزور قالوا نصبر تاني شهور
حسني مبارك ماله مكان بعد السرقة والحرمان

قولوا للعالم قوم واسمعنا مين في الكون راح يمنعنا
قول معايا في كل مكان يسقط كل عميل وجبان
خليك جنبي وقرب مني مصر يا غالية يا ساكنة النني
مصر فوق العادة وبكرة تزيد شباب وريادة
قول للظلم كفاية كفاية لكل ظالم يوم ونهاية
كلنا ضد الإرهاب ولكل منا كتاب
يا أهلينا إيدكم معانا مصر بلدنا ما لها سوانا
مصر أمانة يا مصريين اقرأ والفاخرة وقولوا آمين
الدين لله السميع ومصر أم الجميع
هنقولها في كل مكان ومصر بلدنا أمان
لا برصاص ولا ملتوف صوتنا هد جدار الخوف
ليه يضربونا بالنار واحنا شباب مصري أحرار
لو إيدنا في إيد بعضينا مصر هتكبر بينا
يا قناص يا بن بلدنا ليه تضرب في صدور أولادنا
اهتفوا اهتفوا يا شباب مصر بلدنا مش إرهاب
إيدي في إيدك يا بن النيل نبني طريق أخضر وميل

كفاية ذل وكفاية خنوع بعد اليوم ما فينا رجوع
لو عرفت الحق مش هتقول لنا لأ
اطرد الخوف من وراك وطني الغالي الكل فداك
صورة صورة صورة مصر وقفة ومنصورة
اكتب ورقه وعلي هتاف المصري عمره ما يخاف
صوتك في ميدان التحرير يجعل بساعة التغيير
شوفي بستانك يا مصر فتح كل ورود العصر
قرب يا مصري عليها مصر بتمد إيديها
يا شباب مصر اهتم الحرية تمنها الدم
من أسوان للعريش بنادي إرحل يا رئيس
كل قرانا وكل نجوعنا بتقول ارحل يا مجموعنا
اللي بنا الأهرام والسد حقه يعيش اليوم والغد
يا شباب يا جدعان الحرية للأوطان
يا مسئول ولا دبور مصر بلدنا مش مكسورة
واقفين هنا بصدور عريانة واللي يخاف ماله مكانه
عقد واتنين وتلاته كلنا في طابور شحاته

عاجل لكل الناس زمن القهر ولى خلاص
ولا نهذا ولا نرتاح حتى ير حل السفاح
احنا وراك ومش هنسيك والي أصابنا لا بد يصيبك
مبارك سقى شعبه الويل وباع الغاز لإسرائيل
حسني مبارك يا رئيس مصر عانس مش لاقيه عريس
اشهد يا ميدان التحرير مش راح نمشي إلا بتغيير
يا شباب ويا شباب المستقبل عالآبواب
ثورة ثورة على الفساد ثورة في كل البلاد
يا شبابنا يا جماله المستقبل هل هلاله
جينا نشور جينا نغير الفساد عمره قصير
مرض وفقر وحرمان ويا ما قالوا أحسن أمان
يا مبارك يا حزين كلم زين العابدين
يا جمال قول لأبوك شعب مصر هيجبسوك
مهما تقول ومهما تعيد الرحيل جي أكيد



شعارات متنوعة

صوت كل فئات الشعب	قالوا كفاية هزل ولعب
كل شباب الشعب أهو جالك	لا أهلي ولا زمالك
صوت جي من الوراق	ياحريرة أنا مشتاق
صوت جي من المعادي	قال أنا فداكي ياساكنة فؤادي
صوت جي من بعيد	دمك دين يا شهيد
غنوا معايا في حب مصر	أمي الحرة سابت الأسر
غنوا معايا أحلي نشيد	مصر- اليوم في أجمل عيد
غنوا معايا أحلي نشيد	مبروك يا أم الشهيد
مصر- سهرانه صباحي	بعد جهادي وبعد كفاحي
مصر- لبست توب الفرح	وبكبده يجي بالخير والطرح
مصر- يا حرة يا منصور	بعد اليوم ما تباتي مكسورة
مصر- شمسك طالعة قريب	بعد حبس الي اسمه حبيب
حسني مبارك رافضين أسفه	حتى إن جانا وقدم كفنه

ياالي مليتوا بلدنا سجون	بكرة أشوفك في النظرون
ياالي قتلتمو أغلي أولادي	بكرة تموتو في سجن الوادي
حسني مبارك بيرقص تانجو	يظهر إنه يشرب بانجو
حسني مبارك مفيش بنا	غير إنك تبعد عنا
ياالي سجنت سنين أولادك	بكرة تنسجن بعنادك
يارئس التلفزيون	إحنا ثورة بالمليون
حسني مبارك سمعه ثقيل	ما يسمعش أولاد النيل
من النيل للفترات	قالوا لمبارك زمنك فات
قول يا مبارك يا مفلسنا	أنت بتعمل إيه بفلوسنا
ياالي باقيلك ست شهور	خد أجرتهم ياللا وغور
يا جمال قول بابا	مصر هتخلع العصاة
يا أهالينا يا أهالينا	الحكومة بترب فينا
الإصلاح الآن مطلوب	قبل الشعب ما يأكل طوب
افرح افرح يا شهيد	النهارده يوم العيد

حسني وعزمي وسرور	حرموا بلدنا تشوف النور
ارفعوا صوتكم يا عمال	لا سـلمـان ولا جمال
ارفع صوتك سمع سمع	كانوا عايزين بلدنا تولع
إحنا شباب مش كتاب	كل ثورة ولها أسباب
ليه يا مبارك قاسي علينا	ثلاثين سنة بتجوع فينا
مصر— بلدنا ليه تتباع	والمستقبل كله ضاع
ليه ليه يا بوليس	انتم قتله وأبليس
ليه يا رجال الأعمال	سايبين مصر— في أسوأ حال
يا أهالينا يا أهالينا	انتوا معانا واللا علينا
يا سويس يا سويس	ادعو معانا علي إبليس
الي وقف وضرب بالنار	بكـرة يعيش في ذل وعار
ثورة في كل شوارع مصر—	لما يطلع فجر النصر—
اهتف اهتف خليك ثاير	لما نخلع حاكم جاير
يا شباب اضبط ساعتك	وقول لحسني أنا الي خلعتك

احنا نسكرين في القبور	وهو بدل القصر - قصور
خليك فاكر إياك تنسي -	فعل مبارك فعل أبالسة
قولوا وغنوا وحيوا الجيش	من الوزير لحد شاويز
يا شهيد يا شهيد	دمك طلع فجر جديد
باسم كل مريض او عاطل	حكم مبارك باطل باطل
اسمع صوت شباب النيل	اطلع يا عميل إسرائيل
اسمع صوت بني سويف	حكم مبارك حكم خفيف
انت حرامي وعندي دليل	يالي ضربت أولاد النيل
سامع صوت من الشرقية	مصر - هترجع حرة أبيه
سامع صوت شباب سينا	قالو مصر - هتعمربينا
سامع صوت من العريش	قالو حيوا رجال الجيش
سامع صوت من أسوان	بيقول يسقط الطغيان
سامع صوت من هنا وهناك	قالو لمبارك إحنا كرهناك
سامع صوت من كام يوم	بيقول لمبارك صح النوم

يا مبارك انتهت اللعبة	مصر- بلدنا في حالة صعبة
طررد كل من خان مصر-	بعد حسابه وعصره-عصر-
قولو لكل إعلام الكون	حسني مبارك بقي مجنون
يا الحاناس إنك سارق	اسمع صوت الشعب الفارق
أنا مكسور أنا مجروح	ومصر- عايشة بطلوع الروح
يا اتحاد الطلاب	حسني خلي بلدنا خراب
يا اتحاد العمال	حسني وقف لنا الحال
قولو معايا يا إخوان	مصر- أكبر من الجدران
يا نقابة المحامين	مصر- بلدنا رايحة فين
يا كتاب النظام	صوت الثائر مش هينام
عايزين حاكم ديمقراطي	مش عايزينه للغرب يطاطي
فين العدل وفين النور	حسني جايب شاهد زور
يا حكومة الحزب الوطني	رجعوننا للعهد الوثنى
يا أمين السياسات	خليتو مصر- بلدنا عاهات

بعد الفقر وبعد الجوع	صوت الشعب مش مسموع
بعد ما شفنا معاه الذل	حسني مبارك خلاها خل
أمن الدولة في كل مكان	فيه عذاب أشكال وألوان
أمن الدولة في أسبوط	فيه عذاب نهايته الموت
أمن الدولة في الصعيد	كل عذابها جديد في جديد
أمن الدولة فيكي يا منيا	فيه عذاب وذل الدنيا
أمن الدولة في بني سويف	رعب وظلم شكله خيف
أمن الدولة في السويس	فيه عذاب وشغل أباليس
أمن الدولة في حلوان	الجلد أساسه وعنوانه
أمن الدولة في أطفيح	فيه ذل وفعل قبيح
أمن الدولة في المنوفية	معروف عنه الدموية
أمن الدولة في العريش	ظلم ونار وكمات تلطيش
أمن الدولة فيكي يا سينا	ظلم ليننا ولأهالينا
أمن جابر بن الحيان	الي يخشي - لا بد يهان

أمن الدولة يا حبيب	أصبح معتقل التعذيب
يا لا ظوغي قول لجلادك	شباب الثورة الكل اهو جالك
أمن الدولة وسنين	سففك دم المصريين
أمن الدولة مالك أعذار	تغرب عزل ليه بالنار
أمن الدولة جالك يوم	تدفع ثمن شهيد مظلوم



أغاني الثورة (١)

مبروك مبروك مبروك يا مبارك قدره وخلعوك
مبارك باع أرضه يا ولاد هرموه على أرضه يا أولاد
من حفر حفرة لشعبه وقع فيها
أنا شايفها ليه بني والشعب شكله هياكلني
..... والناس في ميدان التحرير بينادوا وطالبين تغيير
..... يا عم اخلع يا اخلع اعم اخلع
إبعد عنا ياللي ناهبنا ما تبعد عنا يا سارقنا نعمل إيه
بس أنت تحس
مصر الحرة طلة من طنطا ومن المحلة
اللي سرق داره ينقل مقداره
سو يا سو مبارك حبسوه.
الشعب خلعوا يا جدعان.
لأكتب على أوراق الشجر مبارك سرقنا وغدر.
لأكتب على ورق الخيار حسني سرق سبعين مليار.

الي اتلسع من مبارك ينفخ في الي بعده.
الي يصعب عليك يسرقك.
وضاع الحكم يا ولدي.
رصيف نمرة خمسة وعشرين وقف عليه المصريين.
المحطة الجاية فين مصر وتونس م الصاعدين.



أغاني الثورة (٢)

يا أبو بطن قد الكون	حاكمنا يا فاسد
صحيح راجل مجنون	يوم مات بتعانـد
والعدل من حقنا	الأرض دي أرضنا
يكون كدا يزيـنا	مين الي بيمنع الشعب
يا أبو بطن قد الكون	حاكمنا يا فاسد
ماتقرازي كتاب	تاريخ بلدنا يا عين
والباقي كله عذاب	العدل فيه سـطرين
والناس مش راضية ومغصوبة	وسرته وفلوس منهوبة
بيسرـقونا من سنين آه يا عين	وحرامية ما تعرف التوبة
أنا ما بخاف من حد	لو عايزني هنا تلاقيني
وأنا باتكلم جد	في ميدان التحرير هتجيني
ولا رصاص ولا ضرب هينفع	والي مسروق لازم يرجع

كل العالم واقف يسمع	وعندنا احنا الرد
لو عايزني هنا تلاقيني	أنا ما بخاف من حد
الشعب المصري عمل	الشعب حلو
ما أقدرش أنا أبعد عنها	الشعب حلو
جماله وحلاوته في شبابه	وكل الثوار أحبابه
خلع رئيسه وجماله	وحاكم حكومته ونظامه
الشعب حلو الشعب حلو	الشعب حلو عمل ثورة



أغاني الثورة (٣)

صوت الشعب يا صوتنا - يا محرر مدينتنا - فينا شهدا رجالة
يخافو استحالته - صوت الشعب يا صوت الشعب... يا صوتنا
عاشت ليالي الثورة سهران عالقمر - بايتين في الميدان لها ير حل
البقر

مادخلتش في سجونها - ولا حتى في أقسامها - ولا ليك قريب
معتقل مات من خوفه ومن أفعالها..

الله أكبر خلعناه خلعناه... وكل نظامه وقعناه وقعناه.

وصت شبابنا... هزم كلابنا والي ضربنا... وقول يارب.

وقفت والخوف بعينها تتأمل شعباً مسروق وشباب

ماتو غرقا والباقي كمدا مخنوق / قالت يا شعبي لا تحزن فالخلع

عليه هو المكتوب يا شعبي

سيد الحبايب يا شبابي أنت / يا مكسر- قيدي ومحررني أنت / يا

فجر طالع / ورئيس بقي خالع ونظام أو نطه سيد الحبايب يا شبابي
أنت.

أنا هوه / أنا هوه / أنا هوه شباب ينابر اهوه بيصحي الناييم أهوه

/ ولا شئ بقي دايم أهوه.

ولاد الإيه شباب الفيس عملوها وخلعوني
وكل الشعب ساب اللعب ووقفوا صف وقلعوني
مصر بيتنا في ثورتنا بإذن الله. الله. الله.
وادي رئيسنا الي كامسنا والي وكسنا.. خلعناه بفضل الله . الله.

الله



أغاني الثورة (٤)

في يوم في شهر في سنة	غضب الشعب وقام
ولا عمر شعبي أنا	يرجع تاني ينام
وداع يا زمن الخنوع	وداع يا زمن الرجوع
دا عمر شعبي أنا	أطول من الأيام
في يوم في شهر في سنة	غضب الشعب وقام
وقفت والخوف بعينها	تأمل شعبي المغلوب
قالت يا شعبي لا تحزن	فالخلع عليه هو المكتوب يا
فالخلع عليه هو المكتوب يا	

جبار جبار جبار في سرقة جبار في كذبه جبار
ولا كنت أعرف قبل النهارده إن في شعبي شباب أحرار
ولا كنت أعرف قبل النهارده إن شبابنا أعظم ثوار
جبار جبار جبار

توبة توبة توبة إن كنت أمشي مطاطي تاني توبة لازم أتظلم لازم
أتألم لازم أتعلم توبة
وإن شفتني ماشي في سكة امشي وقول باي باي
وقول لكل حرامي واقف قدامي ثائر جاي
وبعدها توبة توبة



أغاني الثورة (٥)

بتجلدونني ليه / بتجلدونني ليه / لو شوفتو عينيه قاسيين قد ايه /
هتقولو دموعي من كسوفي ضلوعي من ضربة ايديّة / ليه / ليه /
تجلدونني.

أحاسبك علي إيه ولا إيه وإلا إيه عالويل وإلا المرار ياللي جاييلي
العار ولما الشعب ثار بتفتري عليه.

وبدنا نتظاهر يا سعيد / وبدنا نقرب فجر جديد

تعبنا سرقة وتبديد / شباب الثورة من جديد

وثورنا / وثورنا / وثورنا

ثورة وحب وشد وجذب أيوه يا ثورة أيوا كده

عمري ما شفت مصر كدا / وأنا واقف أغني علي الفدا

لما تشوف شباب بيموت ونظام رافض يسمع صوت

قلت لا بد يغور الحاكم / اللي ضرب شعبه بكاتم واللي فساده في

كل زمان

وجايب سلمان سلمان سلمان

يا ثورة يا أبية / يا ثورة يا شبابية / إنتي مهمما قالوا عنك نهضة

الأمة العربية

وشبابك ثائر ثائر علي حاكم جاير جاير
لو حكينا يا مبارك تحترم نفسك معاية
يا طمسنا يا واكسنا ثلاثين سنة واخذ فلوسنا
نفسى تتحاسب نفسى تتحاكم وهو دا كل منايا
دانت بطل مسرحية لها أكثر من رواية
لو حكينا يا مبارك نبتدي منين الحكاية



الفهرس

٣	المقدمة
٤	هتافات ثورة ٢٥ يناير
١٧	أمثلة وأغاني
٤٣	شعارات متنوعة
٥٠	أغاني الثورة (١)
٥٢	أغاني الثورة (٢)
٥٤	أغاني الثورة (٣)
٥٦	أغاني الثورة (٤)
٥٨	أغاني الثورة (٥)
٦٠	الفهرس